



Deponia Lavin, Isla - surdatta lavur da progettaziun

L'incumbenza da progettaziun per las lavurs da finischun da la deponia Isla a Lavin sun gnüdas surdattas al büro d'indschegner Caprez Ingenieure AG, Puntraschigna.

EW Zernez - OE Sarsura - attach electric - decisiun da proget e surdatta d'incumbenza

Il proget d'attach electric per l'OE Sarsura da l'OESS SA a Susch es instradà. La suprastanza cumünala ha acceptà la a dumonda da princip e surdat la furniziun d'indriz dal rimplazzamaint dal scumpart da mezza tensiun illa staziun da transfuormaziun Patscheider a la firma Siemens Schweiz AG, Turich.

Dumonda da contribuziun – ACEB

La suprastanza cumünala ha deliberà üna contribuziun da 30'000 chf a l'Archiv cultural Engiadina Bassa per la cumprita ed il mantegnimaint da la scoula veglia a S-chadatsch, Cumün da Valsot.

Büro electoral per las votaziuns cumünalas e chantunalas e federalas dals 13 favrer 2022

La suprastanza cumünala ha elet il büro electoral per las votaziuns a l'urna dals 13 favrer 2022. Al büro electoral fan part: Emil Müller sco president, Brigitta Enkerli, Beat Schärer e Corsin Scandella sco actuar.

Statistica sezzüdas, radunanzas e votaziuns 2021

La suprastanza cumünala es gnüda orientada sur da la quantità da sezzüdas e tractandas da l'on 2021. La direcziun operativa ha trattà 482 tractandas in 28 sezzüdas, la suprastanza cumünala 230 affars in 17 sezzüdas. In duos radunanzas cumünalas han votantas e votants decis sur da 13 tractandas. Dürant l'on 2021 haja dat trais votaziuns a l'urna.